

2535

CODICES

2536

odio maledicto detractio et invidia. De acidia Somnolentia et Instabilitate. De superbia Blasphemia iactantia uana gloria heresim contentione Inobedientia excusatione delaturas et correptione et malas cogitationes. Diſta Sancti hieronimi (spuria). De penitentia Nubentium specialiter. De uexatis a diabulo. De questionibus Coniugiorum. De seruis et ancellis. De diuersis questionibus. Quaedam demum ex Interrogationibus Augustini Angl. Ep. et Responſionibus Gregorii M. quae abrumpuntur in his Resp. X. verbis: quod enim eis concedit sancta predicatio et tamen. — Plurima ex adlatis in Poenitentiali Theodori Cant. sparsim occurrunt, cujus aetate Collectio nostra fortasse non multo inferior est.

## DCLXVIII.

651. Codex membranaceus lat. Sec. X. Folior nunc 43. 4. luculente, sed mendose scriptus hanc praefert *ἐπιγγραφήν* caractere quadro miniato: *Incipit Iudicium Patrum Ad Paenitentes*. Ingressus est eiusmodi: *Secundum emendationem penitenti. et a malo cauendi (caventi). et ad ecclesias festinanti. Et sacras scripturas audienti. et elemosinas. et missas facienti. a sacerdote considerandum est. adbreuiandi ieiunium et non de semel danda est penitentia de maximis culpis. Sed per partes. et ana (una? ante?) modice indicenda. et absolueri nullus presumat penitentem (sic) suum. dum eum in uia recta ire non uiderit. Tum sequuntur Canones*

circiter CXCIV. hoc initio: I. Si quis clericus homicidium fecerit X. annos exul peniteat. III. ex bis in pane et aqua. II. Si quis homicidium nolendo fecerit. V. annos peniteat. II. ex bis in pane et aqua. Ita nullo deinceps materialium ordine plerique a Si quis incipiunt, lectique sunt e variis antiquis Poenitentialibus, puta Halitgarii Camerac. Bedae, Theodori Cantuar. aliisque, quorum Excerpta Jac. Petitus editioni Theodori adjunxit Paris. 1679. 4. Reperiuntur item sparsim apud Reginonem et Burchardum.

II. fol. 23. Nova sequitur Collectio, inscripta: *Item De Romano Penitenciale*. Non Halitgariano, quod a quibusdam etiam Romanum adpellatur, neque illo, quod hoc nomine edidit Ant. Augustinus inter *Canones Poenitenciales*, Tarraconae 1581. 4. et deinceps alibi, sed certe e vetustiore illo, quod in ipso *Augustiniano* citatur. Sunt numero tantum quinque *Canones*, quorum I. *Demonium sustinens licet petras uel olera habere sine incantatione*, nullibi reperi. Reliqui IV. partim in *Cod. antiquo Siculo*, partim in *primo Poenitentiali Andegavensi* apud Job. Morinum de *Poenitentia Append.* p. 24. et 34. et 35. edit. Paris. 1651. f. extant, aguntque de Cultu Daemonum et Mulierum Superſtitionibus.

III. *ibid.* p. 2. *Item De Canones Anquiritanos Titulo XXIV. Pro Ancyranis*. De Auguriis, ut T. I. *Concil.* edit. Venet. col. 1494. sed versio nostra non est

Dionysii

2537

C A S U I S T I C I

2538

*Dionysii Exigui.* Sequuntur *Canones XII.* de Esu Immolatorum, de Usuris, de Hospitalitate, de Avaritia, de Eleemosynis, de Caritate Proximi aliunde lecti.

IV. fol. 26. p. 2. *Item De Alio Penitentiali.* Canon I. *Qui detrahit laici VII. dies. Clerici duas ebdomadas. Subdiaconi III. Diaconi IV. Presbyteri V. Episcopi sex ebdomadas peniteant.* Sequuntur plures alii de correctione Irae, Instabilitatis, Superbiae, aliorumque vitiorum, de Communionem cum Haereticis, Baptismo, Observatione Diei Dominicae et Ieiunii ecclesiastici.

V. fol. 31. p. 2. *De Sacrificio.* Canon I. *Pro bonis rebus offerre debemus. Pro malis nequaquam. Id est pro caritate fraterna offerri. pro odio nequaquam.* Sequuntur plures alii de eadem Materia. In his, ut in antecedentibus, aliquoties *Usus Graecorum et Latino-rum* inter se comparantur.

VI. fol. 36. *Item de Alio Penitenciale.* Canon I. *Si quis sacerdos tactum mulieris pollutus fuerit. LXX. diebus Peniteat.* Sequuntur *Canones* plures de diversissimis materiis. Inter alia rarior est formula: *Si quis in terra fornicaverit, et: Si subterraverit;* nisi dicas, posterius esse mendum Librarii pro *sub terra fornicauerit*, quod non incredibile de Nostro. In *Glossariis Subterrare* alio significato est. Nullibi porro ad relatas has *Canonum Syllogas* adnotatur, unde decerpti sint; infinitae pro indaginis esset, id ex Autoribus supra citatis eruere, qui paene om-  
Denis Codd. Theol. V. I. P. III.

nes opportunis Indicibus destituntur.

VII. fol. 41. *De Uestimentis Sacerdotalibus.* Initium: *Id est ephod. superbumerale. significat munditiam bonorum operum. De potestate. Id est. tonica linea &c.* Multi sunt veteres Liturgici in Descriptionibus Sacrarum Vestium; hanc tamen concisam nullibi me legere memini. Definit in haec verba: *et contemptores non inueniant materiam blasphemandi.*

VIII. fol. 42. *In Dedicatione Ecclesiae.* Sermo, cujus initium: *Quociens cumque fratres karissimi altaris uel templi festiuitatem colimus &c.* *Caesarii* est, olim *Augustino* tributus, et coniectus a *Maurianis* in *Append. T. V. col. 375.* in nostro vero exemplo sine mutilus.

DCLXIX.

Codex membraneus lat. Sec. 7<sup>94</sup>  
X. Folior. nunc 116. 4. probe exaratus, minio vivace distinctus et optimae notae, Literis quadratis rubro nigroque per lineas alternantibus inscribitur: *Incipit De Utilitate Penitentiae Et Quomodo Credendum Sit De Remissione Peccatorum Per Penitentiam Cum Praefatione Operis Subsequentis.* Initium prolixae hujus Praefationis est: *Excepto baptismatis munere quod contra peccatum originale donatum est. Unde incipit renouatio hominis in qua omnis reatus soluitur. Et ingeneratus et additus. etiam cetera uita iam ratione utentis aetatis quantalibet praepoleat*

C